

國家圖書館藏

中華歷史人物別傳集

綫裝書局

鄭學錄序

遵義鄭君子尹既卒之明年唐君鄂生將殯其遺書先  
褒所爲康成傳注年譜書目弟子目遣使齎以入秦授  
子讀之因檢櫝中書參校訖而序其後曰秦燔儒籍入  
漢復興各習專經恪守師法康成始有通六藝兼綜諸  
家當時學徒景從表閭徵辟黃巾異類且拜其居可謂  
顯矣迺王肅難之於前劉知幾疑之於後至張孚敬請  
能

聖廟從祀而鄭學幾廢然而難之者肅申之者昭融疑  
之者劉表之者司馬我

鄭學錄序

國家褒崇儒術

聖祖詔復從祀

純皇帝又命儒臣朱輯康成所著諸書納之

四庫於是爲鄭學者三禮毛詩而外易則有惠棟張惠

言丁杰書則有王鳴盛江聲孫星衍盧文弨段玉裁皆

掇拾於散亡之餘遠紹絕學於斯爲盛予竊謂鄭學之

晦猶有兩端穎達公彥從而不違暨乎後儒彌縫規正

豈知鄭學非尙苟同邵公之室不厭操戈叔重五經無

嫌駁異曲護鄭失是爲佞臣其蔽一也漢宋分門互相

詬病儒林道學判爲兩科遂謂傳經之徒無與躬行之

實豈知朱子每稱漢儒康成尤所深許既服其精力之

強又頌其有功於道義剛所錄宗爲大儒而末學譏聞

謬生黨伐其蔽二也佞臣之失漸至荒經黨伐之興且

將誣道傳注年譜之作其以是乎觀其彰避地之識表

不仕之貞確乎不拔斯才在茲著書目以見其道之宏

著弟子目見其傳之遠而於康成疲神緯書未嘗曲爲

之評至若辨北海之謫飢黜鄙慮於末簡又儼然春秋

之義焉以康成之行考康成之文頌詩讀書知人論世

然後鄭學昌而經術明六義微言未遽乖絕以待濂洛

關閩諸儒之闡發者固不得謂無與於道統之傳也子

鄭學錄序

尹博綜羣籍專精三禮抱道隱居屢徵不就學業志行

頗類康成其爲是書殆有微旨予取鄭志鄭記之例爲

題曰鄭學錄云同治四年七月貴筑黃彭年敘於關中

書院

荅唐鄂生書

永示康成傳注年譜書目弟子目舊題書名不足該括  
今擬二名取小同鄭志之義題續鄭志取鄭志鄭記之  
例題鄭學錄清泉李君鏡軒云鄭學錄似較勝也原本  
敘次以年譜置卷末今移置傳注之下以類相從卷中  
應避廟諱字多未及逐一更正譌誤如韓益之誤加  
正字禮議之云隋志不著皆必須糾改者又如斥劉氏  
起廢疾發墨守箴膏肓諸評為多事門戶之見過重又  
如漢紀諸書足為證佐應須補入又鄙見有相發明者  
既簽識卷中更用別紙錄呈尹老云亡不敢輒改足下  
鄭學錄

序

與伯更商定或逐條補入期便檢閱或即用此紙附稟  
序後亦於原書不無裨益彭年頓首拜啟  
得休歸續漢書作得休不歸注元少為鄉  
高夫條下

袁宏後漢紀元字康成北海高密人也為嵩夫隱恤孤  
苦閭里安之家貧雖得休假常詣校官誦經太守杜密  
異之為除吏錄使傳極學補引黨錮  
傳後

別傳元故兗州刺史補遂造太學受業  
師事第五元條後

按據別傳則元是名續漢書史碑作先通京氏易無始  
字是也注謂元先是字蓋誤後凡言元先者先字當衍

注珍按第五為京  
光平陵大姓條下

按史碑是金承安重刻易恭祖為欽祖者阮氏元以金  
避顯宗允恭諱改也注珍按恭  
祖條下

惠氏棟曰鄭志荅吳模云為記注時就盧君耳先師亦  
然盧君即子幹也先師謂張恭祖輩鄭先通韓詩也注  
唐

植傳  
條下

後漢紀元之右扶風事南郡太守馬融融門徒甚盛弟  
子以相次愛至三年不得見講習彌篤晝夜不倦融甚  
奇之引與相見自篇籍之奧無不精研歎曰詩書禮樂  
皆以東矣補引別傳  
扶風條後

後漢紀會黨事起而元教授不輟弟子數百人補及黨  
事起條

鄭學錄

序

後漢紀中平初悉解禁錮元已六十餘矣始為王公所  
命一無所就補引續漢書大將軍  
何進傳鄭元條後

後漢紀黃巾賊數萬人經元廬皆為之拜高密一縣不  
被抄掠彭年按此條與范書別傳所載小異  
補引別傳建安元年自徐州還條後

按史碑徵為大司農及與袁紹之會數事皆次於與子  
蓋恩書前阮氏元曰戒子蓋恩書乃歸老疾篤時事而

范書反載於前使事蹟先後倒置注元後常  
疾篤條下

按阮氏元曰為父母羣弟所容者言徒學不能為吏以  
蓋生產為父母羣弟所容始得去廐役之吏游學周

秦故傳曰少為鄉嗇夫得休常詣學官不樂為吏父數怒之夫父怒之而已云為所容此儒者言也范書因為父怒而妄加不字與司農本意相反阮氏此說似亦可通注珍按史承節碑條下

後漢紀元身長八尺秀眉朗目造次顛沛非禮不動補時

大將軍後紹條後

按惠氏棟曰遠字當作瓊具本傳注時汝南應劭條下

後漢紀建安三年徵鄭元為大司農不至補公車徵為大司農條下

後漢紀袁紹遇元而不禮也趙融聞之歎曰賢人者君子之望也不禮賢是失君子之望夫有為之君不失萬

### 鄭學錄

### 序

民之歡心况於君子乎失君子之望難乎有為也當去九州春秋條載此條下注云魏志袁紹傳引九州春秋同

按史碑載康成所注書與范書同惟多周官無論語又臨孝存作孝莊阮氏元以為唐碑本行書石或剝落金

時不省而誤存為莊莊是漢諱未有不避者注珍按康成一生條

### 右傳注補正凡十七事

按乾隆中王氏謙從賈孔二家正義鈔出周禮目錄六條儀禮目錄十七條禮記目錄四十九條共為一卷刻

入漢魏遺書注三禮目錄條下

按隋志鄭康成撰禮議二十卷此云未著錄蓋失考又汝上王謨云諸經正義多引鄭氏魯禮禘祫志本傳作魯禮禘祫議隋志俱不著錄而別有禮議二十卷則祫祫志乃禮議中一篇目也合二書為一似亦未確注禮議條下

今本世說新語作遂為服氏注比注之說不知所據何本注春秋注氏傳注條下

起穀梁廢疾注未見有勝殊多事也擬改蓋逢祿專家之學不無異同云

按余蕭客古經解姓氏書目據周禮疏列爾雅注檢周

### 鄭學錄

### 序

禮疏十八鄭注云天皇北辰耀寶魄阮氏校勘記曰此

鄭注文耀鉤也上引文耀鉤可證因文承爾雅之下而

或云鄭有爾雅注誤讀此疏矣建書目錄未

### 右書目補正五事

舊唐書尚書釋問四卷王粲問田瓊韓益正此正字謂

正祭問也隋書經籍志韓益為魏大長秋著春秋三傳

論十卷可證韓益名無正字注韓益條下

張氏澍養素堂集記鄭弟子以陳鏗陳鏘為二人似誤

又張記有應劭馬昭張融諸人考本傳應仲遠北面稱

弟子蓋一時戲言昭融雖宗鄭學而年載相距既遠皆

非親受業於門下今日中不錄三人特恐後人復爲張  
記所誤附識於此

注弟子  
目卷末

右弟子目補正二事

鄭學錄

序

五

鄭學錄卷第一

傳注

遵義鄭 珍撰

鄭元字康成北海高密人也

續漢書郡國志北海國十八城高密侯國青州刺史  
部

八世祖崇哀帝時爲尙書僕射

前漢書鄭崇傳崇字子游本高密大族世與王家相  
嫁娶祖父以訾徙平陵父賓明法令爲御史事貢公  
名公直崇少爲郡文學史至丞相大車屬弟立與高

鄭學錄

卷一

男知同校

武侯傳喜同門學相友善喜爲大司馬薦崇哀帝擢  
爲尙書僕射數求見爭上初納用之每見曳革履  
上笑曰我識鄭尙書履聲久之上欲封祖母傅太后  
從弟商崇諫曰孝成皇帝封親舅五侯天爲赤黃晝  
昏日中有黑氣今祖母從昆弟二人已侯孔鄉侯皇  
后父高武侯以三公封尙有因緣今無故復欲封商  
壞亂制度逆天人心非傅氏之福也臣聞師曰逆陽  
者厥疾弱逆陰者厥疾凶短折犯人者有亂亡之患  
犯神者有疾天之禍故周公著戒曰惟王不知艱難  
唯耽樂是從時亦罔或克壽故衰世之君天折蚤沒

此皆犯陰之害也臣願以身命當國咎崇因持詔書案起傳太后大怒曰何有爲天子乃反爲一臣所顛制邪上遂下詔曰朕幼而孤皇太后親自養育免於襁褓教導以禮至於成人惠澤茂焉前追號皇太太后父爲崇祖侯唯念德報未殊朕甚惡焉侍中光祿大夫商皇太后父同產子小自保大恩義最親其封商爲汝昌侯爲崇祖侯後更號崇祖侯爲汝昌哀侯崇又以董賢貴寵過度諫由是重得罪數以職事見責發疾頸癰欲乞骸骨不敢尙書令趙昌佞諂素害崇知其見疏因奏崇與宗族通疑有姦請治上

鄭學錄

卷一

二

責崇曰君門如市人何以欲禁切主上崇對曰臣門如市臣心如冰願得考覆上怒下崇獄窮治死獄中珍按康成先世唯此傳畧見梗概故備錄全文以見卽子游一世其公忠正直至死不撓已如此信乎明德之後必有達人也据宣帝紀本始元年募郡國吏民訾百萬以上徙平陵則尙書之祖蓋以是時從高密徙不知復還在尙書後何世無自攷康成周禮注序二鄭者同宗之大儒賈公彥周禮廢興序賈公彥周禮疏二鄭皆康成之先故言官不言名字杜子春非己宗故指其名

珍按鄭少贛興仲師眾父子史傳爲河南開封人而康成謂是同宗古人於同高祖者稱同族同始祖者稱同宗不同宗族者稱同姓然則康成於二鄭蓋同始祖者其分支遷徙當時譜牒自明以其於先世爲兄弟故周禮注稱官以致敬賈氏謂二鄭皆康成之先匪誣也

元少爲鄉嗇夫得休歸嘗詣學官不樂爲吏父數怒之不能禁

前漢書百官公卿表大率十里一亭十亭一鄉鄉有三老有秩嗇夫游徼三老主教化嗇夫職聽訟收賦

鄭學錄

卷一

三

稅游徼徼循禁賊盜

續漢書郡國志鄉置有秩三老游徼其鄉小者縣置嗇夫一人皆主知民善惡爲役先後知民貧富爲賦多少平其差品又有鄉佐屬鄉主民收賦稅

黨錮傳杜密遷北海行春到高密縣見鄭元爲鄉佐知其異器卽召署郡職遂遣就學

珍按鄉佐嗇夫皆縣置鄉吏雖所主同而其秩有別劉昭百官志注引漢官雒陽員吏人數佐史鄉佐七十七人斗食令史嗇夫假五十人其序鄉佐在嗇夫之上嗇夫與令史皆稱斗食其引漢官雒

陽市員吏亦云嗇夫十一人斗食斗食者計日而

食一斗二升歲俸止四十三斛二斗據小顏百官表注所引一

說佐史月俸八斛據小顏引漢官名秩簿則歲俸九十六斛

視斗食不止增倍漢官以佐史鄉佐并爲一等印

其秩同也然則鄉佐高於嗇夫在密傳言爲鄉佐

可見初爲嗇夫繼遷鄉佐逮密見之卽署郡職史

家以無與輕重故畧之

珍又按既署郡吏卽宜供吏職而云遂遣就學者

嘗疑康成素貧而游學十餘年始歸何自辦此費

糧以密傳推之蓋署職門下使去就學卽其吏俸

鄭學錄 卷一

四

以爲之貴歟視王渙遣主簿仇覽詣太學以一月

俸爲賞厚矣杜周甫與李元禮齊名其成就一大

儒固應迥出流輩

別傳鄭康成以永建二年七月戊寅生元八九歲能

下算乘除年十一二隨母還家臘日宴會同時十許

人皆美服盛飾語言通了元獨漠然狀如不及母私

督責之乃曰此非元之所志也太平廣記卷二百十

十一二隨母還家正臘會同列十數人皆美服盛飾

辭言閭閻通元獨漠然如不及母私督數之乃曰此非

珍按順帝紀永建二年七月甲戌朔日有食之朔

爲甲戌則初五日得戊寅合之別傳云以太歲在

丁卯生詳見後是康成生於永建二年丁卯歲七月

初五日也

別傳元少好學書數十三誦五經好天文占候風角

隱術年十七在家見大風起詣縣曰某時當有火災

宜祭燿禳廣設災備至時果然而不爲害智者異之

年二十一博極羣書精歷數圖緯之言兼精算術世說

新語注以太平御覽八

別傳元年十六號曰神童民有獻嘉禾嘉瓜者縣今本

脫欲表府文辭鄙畧元爲改作又著頌二篇侯相高

鄭學錄 卷一

五

其才爲修冠禮太平御覽卷八百三十九 卷九百七十八

珍按此事御覽惟禾門所引文詳頌門云著頌二

篇乃原文也纂人依類隸事故於禾則去嘉瓜於

瓜則去嘉禾各云著頌一篇至頌門亦不及嘉禾

則由傳鈔誤脫

遂造太學受業師事京兆第五元先始通京氏易公羊

春秋三統歷九章算術

珍按第五爲京兆平陵大姓靈帝時有第五鍾第

五訪並司空倫曾孫元先蓋其族狀康成在太學

師之其人乃經博士也

又從東郡張恭祖受周官禮記左氏春秋韓詩古文尚書

珍按恭祖唐史承節撰康成碑石刻作欽祖此作恭未詳禮儀禮也記小戴記也非今稱禮記是一書後同元先恭祖皆其字二人不專一經皆通儒也惜史傳別無可攷

以山東無足問者迺西入關因涿郡盧植事扶風馬融馬融傳融字季長扶風平陵人將作大匠嚴之子初京兆摯恂以儒學教授融從游學博通經籍永初二年拜尚書郎中詣東觀典校秘書元初二上廣成

鄭學錄

卷一

六

頌諫忤鄧氏滯於東觀十年不調因兄子喪自劾歸太后怒令禁錮之陽嘉二年徵拜議郎轉武都太守三遷桓帝時爲南郡太守先是融有事忤梁冀旨冀諷有司奏融在郡貪濁免官髡徙朔方得赦還復拜議郎重在東觀著述以病去官融才高博洽爲世通儒施養諸生常以千數達生任性不拘儒者之節居宇器服多存侈飾常坐高堂施絳紗帳前授生徒後列女樂弟子以次相傳鮮有入其室者年八十八延熹九年卒於家

盧植傳植字子幹涿郡涿人少與鄭元俱事馬融能

通古今學好研精而不守章句融外戚豪家多列女倡歌舞於前植侍講積年未嘗轉眄融以是敬之學終辭歸闔門教授性剛毅有大節嘗懷濟世志不好辭賦熹平四年拜九江太守以疾去官作尚書章句三禮解詁南夷畔拜廬江太守歲餘徵拜議郎與馬日碑蔡邕等在東觀校中書五經記傳補續漢志中平元年黃巾賊起拜北中郎將征之帝以小黃門左豐言檻車徵滅死罪一等復爲尚書董卓廢立免官以老病求歸隱於山谷初平三年卒

融門徒四百餘人升堂進者五十餘生融素驕貴元在

鄭學錄

卷一

七

門下三年不得見迺使高業弟子授傳於元元日夜尋誦未嘗倦怠會融集諸生考論圖緯聞元善算迺召見樓上元因從質諸疑義問畢辭歸融喟然謂門人曰鄭生今去吾道東矣

別傳扶風馬季長以英儒著名元往從之參考同異季長后戚嫂於待士元不得見任左右自起精廬旣因紹介得通時涿郡盧子幹爲門人冠首季長又不解剖裂七事元思得五子幹得三季長謂子幹曰吾與汝皆弗如也季長臨別執元手曰大道東矣子勉之後遇黨錮隱居著述凡百餘萬言

世說新語注  
太平廣記卷

七事而元思其五別令盧子韓思其二融告於曰孔  
平謂子實同也按此或即改易孝標注以爲世說  
別傳馬季長以英儒著名元從參考異同時與盧  
子幹相善在門下七年以母老歸今誤長饒之  
會三百餘人皆離席奉觴度元所入三百餘杯而溫  
克之容終日不怠讀華

珍按此文在門七年及以母老歸皆杜撰與舊載  
不合又誤以袁紹之饒爲馬融不可信

世說新語鄭元在馬融門下三年不得見高足弟子  
傳授而已嘗算渾天不合諸弟子莫能解有言元能

鄭學錄

卷一

者融召令算一轉便決眾咸駭服及元業成辭歸既  
而融有禮樂皆東之歎恐元擅名而心忌焉元亦疑  
有追乃坐橋下在水上據屐融果轉式逐之告左右  
曰元在土下水上而據木此必死矣遂罷追元竟以  
得免劉孝標注馬融海內大儒被服仁義鄭元名列  
門人親傳其業何猜忌而行鴆毒乎委巷之言賊夫  
人之子太平御覽坐部  
引語林同此

異苑鄭康成師馬融三載無聞融鄙而遣還元過樹  
陰下假寐夢見一老父以刀開其腹心謂曰子可以  
學矣於是寤而即返遂洞精典籍融歎曰詩書禮樂

皆已東矣太平御覽心  
部引止此潛欲殺元元知而竊去融推  
式以算元元當在土木上躬騎馬襲之元入一橋下  
俯伏柱上融踟躕橋側云土木之間此則當矣有水  
非也從此而歸元用免焉太平廣記卷  
二百十五

珍按劉敬叔與劉義慶裴啟同時此與世說語林  
所載並劉孝標斥爲委巷之言不足詰辨以其爲  
晉宋間競傳康成事故并出之

元自游學十餘年乃歸鄉里

珍按傳云西入關又云在門下三年別傳云住左

右自起精舍皆就融於家情事據融傳轉武都太

鄭學錄

卷一

九

守三遷爲南郡太守以忤梁冀奏免髡徙朔方得  
赦還重在東觀著述以病去官年八十八延熹九  
年卒今以融周官序禮賈氏周  
禮廢興云至六十爲武都  
太守推之融之生在章帝建初四年其六十歲守  
武都在順帝永和三年時康成甫十二歲自後由  
武都三遷守南郡觀建和元年梁冀奏誣李固時  
融在坐爲冀草奏見吳  
祐傳知罷守武都兩遷皆內職  
繼出守南郡奏免髡徙梁冀若在必不令還其得  
赦當在延熹二年誅冀之後然則自守武都至冀  
死凡二十二年中融之不得在關中從容講授使

康成在門下三年必矣意融卽誅冀不久得赦其  
年已八十重典東觀當未久卽告歸扶風康成之  
入關師之据戒子書云年過四十乃歸供養傳云  
縱質諸疑問畢辭歸是辭融卽還高密也而其時  
年已過四十由此逆推之如傳云高業傳授已在  
門下三年及召見樓上之後質疑必又經時日然  
後辭歸則康成入關當在延熹六年時融年八十  
五康成年三十七至九年年四十乃辭融歸而融  
年八十八卽以其年卒康成辭融之後或卽出關  
或旋因融喪畱視殯葬至明年永康元年始及歸

鄭學錄

卷一

十

里年已四十一矣又以十餘年乃歸推之知游學  
當自二十五歲其先乃爲鄉佐嗇夫時也

家貧客耕東萊學徒相隨已數百千人

元和郡縣志萊州卽墨縣下大勞山小勞山在縣東  
南三十八里晏謨齊記曰太白自言高不如東海勞  
昔鄭康領徒於此

及黨事起乃與同郡孫嵩等四十餘人俱被禁錮遂隱  
修經業杜門不出

靈帝紀建甯二年十月中常侍侯覽等諷有司奏前  
司空虞敞太僕杜密長樂少府李膺司隸校尉朱瑁

潁川太守巴肅沛相荀昱河內太守魏朗山陽太守  
翟超皆爲鉤黨下獄死者百餘人妻子徙邊諸附從  
者錮及五屬制詔州郡太舉鉤黨於是天下豪傑及  
儒學行義者一切結爲黨人熹平四年閏五月詔黨  
人門生故吏父兄子弟在官者皆免官禁錮

珍按康成之被錮以杜密爲北海相時故吏也自  
熹平四年禁錮至中元元年禁解戒子書故曰坐  
黨錮十有四年而蒙赦令也孫嵩等四十餘人當  
並是密之門生故吏其姓名今皆無文可知唯孫  
賓石見趙岐傳與平元年岐與劉表共上爲青州

鄭學錄

卷一

十

刺史魏志注引礪原別傳亦畧見逸事又御覽卷  
八百二十七引漢名臣奏太尉屬應劭司徒屬孫  
嵩司空掾孔伋議云知曾爲司徒府曹吏

康成自敘遭黨錮之事述難注禮

鄭志張逸問禮注曰書說書說何書也答曰尙書緯  
也當爲注時時在文綱中嫌引秘書故諸所牽圖讖

皆謂之說

禮記檀弓正義

劉昭續漢書百官志注康成淵博自注中候裁及注  
禮而忘舜位豈其實哉

珍按康成自敘則遭禁杜門十四年中其精力

全在三禮也續漢志裁卽纔字云注中候纔注禮以知自辭融歸後至坐黨前凡八九年已爲易詩禮尙書四緯作注別傳云年二十一卽精圖緯不虛也劉昭時緯注完存於康成著書先後必有明據

時任城何休好公羊學遂著公羊墨守左氏膏肓穀梁廢疾元乃發墨守鍼膏肓起廢疾休見而歎曰康成入吾室操吾矛以伐我乎

別傳何休字邵公作公羊解注妙得公羊本意作公羊墨守左氏膏肓穀梁廢疾元後乃發墨守鍼膏肓

鄭學錄

卷一

三

起廢疾休見而歎曰康成入吾室操吾矛以伐我乎  
太平御覽卷六百一十

王嘉拾遺記京師謂康成爲經神何休爲學海

儒林傳何休字邵公任城樊人質樸訥口而雅有心思精研六經世儒無及者太傅陳蕃辟之與參政事蕃敗坐黨錮乃作春秋公羊解詁覃思不闕門十有七年又注訓孝經論語風角七分皆經緯典謨不與守文同說又以春秋駁漢事六百餘條妙得公羊本意休善歷算與其師博士羊弼追述李育意以難二傳作公羊墨守左氏膏肓穀梁廢疾黨禁解辟司徒

拜議郎再遷諫議大夫年五十四光和五年卒

珍按何邵公少康成三歲光和五年在大赦黨人之前二年康成發鍼起三書蓋皆禁錮時以注禮餘力爲之也范氏撰邵公傳卽有抵牾陳蕃以建甯元年正月爲太傅其年九月中常侍曹節矯詔誅之今傳云太傅陳蕃辟之與參政事蕃敗坐黨錮乃作公羊解詁覃思十有七年云云黨禁解云云如此則是邵公坐建甯元年鉤黨下至中平元年禁解正是覃思作詁十有七年然光和五年去大赦黨人尙前二年而邵公已於是年卒安得禁改之後猶幾經遷拜也攷桓靈時黨錮坐除原是二次桓帝紀延熹九年七月太尉陳蕃免十二月司隸校尉李膺等二百餘人受誣爲黨人並坐下獄書名王府明年六月悉除黨錮則禁錮止及半年與靈帝黨禁十七年別邵公之坐黨當卽在李膺等二百餘人之內范氏作傳應緣相傳十七年不闕門之說正合靈帝黨禁年數遂亦誤瀾下筆不計與光和五年卒不合也今若改太傅作太尉蕃敗作蕃免乃作刪乃字卽前後皆協矣以邵公通儒於稽康成鍼起三書早晚有關故糾正之

鄭學錄

卷一

三

中興之後范升陳元李育賈逵之徒爭論古今學後  
馬融答北地太守劉瓛及元荅何休義據通深由是古  
學遂明

范升傳升字辨卿代郡人建武二年徵拜議郎遷博  
士時尙書令韓歆上疏欲爲費氏易左氏春秋立博  
士詔下其議升對曰左氏不祖孔子而出邱明師徒  
相傳又無其人且非先帝所存無因得立奏左氏之  
失凡十四事時難者以太史公多引左氏升又上太  
史公違戾五經謬孔子言及左氏春秋不可錄三十  
一事詔以下博士永平中爲聊城令卒於家

鄭學錄

卷一

古

陳元傳元字長孫蒼梧廣信人父歆著左氏春秋與  
劉歆別自名家元少傳父業爲之訓詁建武初時議  
欲立左氏傳范升奏以爲左氏淺末不宜立元乃詣  
關上疏曰陛下知邱明至賢親愛孔子而公羊穀梁  
傳聞於後世故詔立左氏傳今論者沉溺所習玩守  
舊聞竊見范升等所議奏春秋左氏不可立及太史  
公違戾凡四十五事皆斷截小文牒牘微辭以年數  
小差掇爲巨謬遺脫纖微指爲大尤挾取摘釁掩其  
宏美元如得以褐衣召見理邱明之宿冤若辭不合  
經退就重誅書奏下其議范升後與元相辨難凡十

餘上章卒立左氏學元以病去年老卒於家

儒林傳李育字元春扶風漆人習公羊春秋頗獵古  
學嘗讀左氏傳雖樂其文然謂不得聖人深意以陳  
元范升之徒更相非折而多引圖緯不據理體於是  
作難左氏義四十一事建初元年拜博士四年與諸  
儒論五經於白虎觀育以公羊義難賈逵往返皆有  
理證最爲通儒遷侍中卒官

賈逵傳逵字景伯扶風平陵人父徽從劉歆受左氏  
春秋兼習國語周官文受古文尙書於塗惲學毛詩  
於謝曼卿作左氏條例二十一篇逵悉傳父業雖爲

鄭學錄

卷一

古

古學兼通五家穀梁之說尤明左氏傳國語爲之解  
詁五十一篇永平中獻之寫藏秘館拜爲郎與班固  
並校秘書建初元年詔逵入講白虎觀雲臺帝善逵  
說使出左氏傳長於二傳者逵條奏左氏三十事如  
祭仲紀季伍子胥叔術之屬左氏義深於君父公羊  
多任於權變帝嘉之令撰歐陽大小夏侯尙書古文  
同異達集爲三卷復令撰齊魯韓詩與毛異同并作  
周官解詁八年乃詔諸儒各選高才生受左氏穀梁  
春秋古文尙書毛詩由是四經遂行於世永元八年  
夏爲侍中十三年卒年七十二

盧植傳植轉侍中遷尚書光和元年日食之異上封事陳八事二曰原禁凡諸黨錮多非其罪可加赦恕申宥同枉五曰修禮應徵有道之人若鄭元之徒陳明洪範禳服災咎

珍按光和元年康成年五十二歲盧中郎同學大儒師門冠首當此禁網方嚴而封事數海內有道之人獨首舉康成則其服膺於高密者至矣

靈帝末黨禁解

靈帝紀中平元年三月壬子大赦天下黨人還諸徙者

鄭學錄 卷一

康成自敘黨錮事解注古文尚書毛詩論語

大將軍何進聞而辟之州郡以進權威不敢違意遂迫脅元不得已而詣之進爲設几杖禮待甚優元不受朝服而以幅巾見一宿逃去時年六十

別傳大將軍何進辟元乃縫掖相見元長八尺餘須眉美秀姿容甚偉進待以賓禮元多所匡正不用而退世說新語注長八尺餘三句亦見高士傳

續漢書大將軍何進辟鄭元元以進權威不敢違意不得已而詣之進爲設几杖待之甚優元不受朝服而以幅巾見一宿逃去藝文類聚卷六十九

高士傳大將軍何進辟元州郡迫脅不得已而詣進設几杖之禮以待元元以幅巾見進一宿而逃去公府前後十餘辟皆不就

申屠蟠傳大將軍何進連徵不詣進必欲致之使蟠同郡黃忠書勸曰前冀府初開至如先生特加殊禮申以手筆經過二載而先生所尚益固竊論先生高節有餘於時則未也今潁川荀爽載疾在道北海鄭元北面受署彼豈樂羈牽哉知時不可逸豫也

珍按傳云時年六十則何進之辟康成在中平二年也進以元年三月爲大將軍而黃忠書云幕府

鄭學錄 卷一

初開特加殊禮經過二載所尚益固知進辟蟠在元年爲大將軍之初忠與蟠書在二年康成見進之後故云然但忠言康成北面受署此必非虛夸塗飾以欺掩申屠之語蓋進辟康成時必以其府屬曹掾加之與徵荀爽爲其從事中郎相似康成雖不肯就而旣入都見之卽謂之受署可也其時縫掖幅巾不服所署朝服進固不能相強而以賓師相待在康成進退原可自如當彼禮數豈忘裨益別傳謂多所匡正不用而退得其實矣稽叔夜云一宿逃去緣視康成太高未免言之過情范氏

據之失於不審

弟子河內趙商等自遠方至者數千後將軍袁隗奏爲侍中以父喪不行

申屠蟠傳中平五年復與爽元及潁川韓融陳紀等十四人並博士徵不至明年董卓廢立蟠及爽融紀等復俱公車徵唯蟠不到

荀爽傳論荀爽鄭元申屠蟠俱以儒行爲處士累徵並謝病不詣及董卓當朝復備禮召之蟠元竟不屈以全其高爽已黃髮矣獨至焉未十旬而取卿相

珍按蟠傳中平五年蟠書康成俱被徵六年復徵

鄭學錄 卷一

文

卽康成戒子書所謂公車兩召也六年之復徵其爲仍十四人徵以博士與五年同以荀爽傳論及康成此後結銜止稱博士詳證之可見蟠傳文承上年言故從省耳袁隗表康成爲侍中當卽在五年徵命下後下文公卿舉爲趙相亦卽在六年徵命下後范氏以兩年徵命詳於蟠傳故於康成傳止敘袁舉使人參互自明惟爽傳言卓禮召蟠元不屈而蟠傳於六年之徵又言唯蟠不到立意高蟠不顧事實未免先後矛盾當云唯蟠及元不到是亦蔚宗之駁文也

又按以父喪不行知康成之父在中平四年或五年卒也康成時六十二歲戒子書止言羣弟知康成必是長子子已六十二則其父壽當亦八十餘矣

國相孔融深敬於先嚴履造門告高密縣爲元特立一鄉曰齊置士鄉越有君子軍皆異賢之意也鄭君好學實懷明德昔太史公廷尉吳公謁者僕射鄧公皆漢之名臣又南山四皓有園公夏黃公潛光隱耀世加其高皆悉稱公然則公者仁德之正號不必三事大夫也今鄭君鄉宜曰鄭公鄉昔東海于公僅有一節猶或戒鄉

鄭學錄 卷一

文

人侈其門閭矧乃鄭公之德而無駟牡之路可廣開門衛令客高車號爲通德門

孔融傳融字文舉魯國人孔子二十世孫遷虎賁中郎將會董卓廢立每因對答輒有匡正之言以忤卓旨轉議郎時黃巾寇數州而北海最爲賊衝卓乃諷五府同舉融爲北海相融到郡收合士民起兵講武賊張饒等二十萬眾從冀州還融逆擊爲饒所敗乃收散兵保朱虛縣更置城邑表顯儒術薦舉賢良鄭元彭璆邵原等其餘雖一介之士莫不加禮焉黃巾復來侵暴融乃退屯都昌爲賊管亥所圍融逼急遣

太史求救於平原相劉備備卽遣兵三千救之賊乃散走在郡六年劉備表領青州刺史建安元年爲袁譚所攻自春至夏戰士所餘纔數百人城夜陷乃奔東山及獻帝都許遷爲將作大匠

續漢書孔融遷北海相時年三十八承黃巾殘破之後崇學校設庠序舉賢才顯儒士以彭璆爲方正邴原爲有道王修爲孝廉告高密縣爲鄭元特立一鄉名爲鄭公鄉魏書惟珍傳注

張璠漢紀附在郡八年僅以身免同主珍按董卓廢立在中平六年九月融以忤卓出相

鄭學錄 卷一

北海其到郡當卽在是年至建安元年内徵故張璠言在郡八年也北海最爲賊衝中平五年青徐黃巾復起寇郡縣勢必先受其禍續漢書謂融承殘破之後以此張饒等從冀州還者卽是爲公孫瓚所大破於東光之黃巾至是敗還復寇北海水靈帝紀此次青州黃巾於建安二年十一月起寇泰山爲太守應邵所破轉寇勃海復爲瓚所破其還寇北海當在二年冬末或明年春初也至管亥圍都昌據融傳云劉備表融領青州時融在郡六年則興平元年也其年徐州牧陶謙死劉備由平

原代領徐州而融遣太史慈求救時備猶爲平原相是其事決在興平元年之歲又攷魏書武帝紀初平三年四月青州黃巾眾百萬入兗州轉入東平太祖領兗州牧進兵擊之追至濟北乞降冬受降卒三十餘萬收其精銳者號青州兵自後黃巾遂平則都昌之圍當在初平三年四月青州黃巾初起時距張饒之去未久通計北海自中平五年至此五年之中惟初平元年兵禍有無不可攷文舉外支強敵內講善政而得以身免捍禦之才勝劉岱輩遠矣以與盪恩殉難相涉故先詳之

鄭學錄 卷一

孔融教高密令曰高密侯國賤言鄭國增門之崇令容高車結駟之路出麥五斛以酬執事者之勞太平御覽卷八百三十八邴原別傳孔融在郡教選計當任公卿之才乃以鄭元爲計掾彭璆爲計吏邴原爲計佐魏志邴原傳注司馬彪九州春秋融在北海高密鄭元稱之鄭公執子孫禮記注孔融與諸卿書鄭康成多異說人見其名宋謂有所出也證案大較要在五經四部書如非此文近爲妄矣若予所執以爲郊天之鼓必當騏驎之皮也寫考

嘉本曾子家策乎太平御覽卷六百八

珍按錢詹事大昕曰孔文舉於康成推許甚至此必非文舉之言殆魏晉後習王肅學者偽託耳晉荀勗中經簿始有四部之分安得稱四部書且鄭君注三禮初無麟皮冒鼓之說也不可執無稽之談以誣盛德

續博物志北海有康成儒林講堂

齊乘稻城高密西南濰水堰側土人呼堰為趙貞女防南有高隄謂是岑彭冢皆謬此即稻城遺跡春秋稱琅邪之稻自漢有塘堰蓄濰水以溉稻因名其城

鄭學錄

卷一

三

武帝時封齊孝王孚定為稻侯郡國志亦謂之鄭城康成故宅在此有稻田萬頃斷水鋤蕪梁歲收億萬號萬正梁今其遺跡鞠為榛莽矣

珍按康成避黃巾之難前後是兩節其前一節往不其在孔文舉未到郡之先本傳止載後之徐州

一節遂令出處不具今補詳如左

靈帝紀中平五年十月青徐黃巾復起寇郡縣

魏志崔謬傳徐州黃巾賊攻破北海元興門人到不其山避難時穀糴縣乏元罷謝諸生

珍按珍傳言徐州黃巾即靈紀之青徐黃巾以其

時破北海是徐州賊故主徐州言耳北海最為

賊衝宜先受禍則其破當即在興平五年之冬康

成是年與申屠蟠荀爽微徵袁曉旋棄為侍中

遭父喪不行賊難蜂起避之不其當亦即在其時

未必能緩至明年也迨明年九月董卓廢立禍來

為相承郡殘破之後收合士民講兵起武馳檄飛

翰引謀州郡其於康成素所深敬後在徐州猶敦

請懇惻使者繼踵況近在不其能令其久客於外

乎則康成於中平末年雖未即歸文舉到後其迎

之還里必矣故有屣履造門執手孫禮及選為計

鄭學錄

卷一

三

據等事若去之不其都無一還萍涂數載遂到徐州是其出也來舉未到其歸之年文舉自春至夏

在劉賊中及城陷奔東山旋徵將作大匠如此則

康成與文舉或未見而焉有傳記等事乎必不然

矣

三齊記鄭司農嘗居不其城南山中教授黃巾亂乃

避隱生徒崔珍王經諸賢於此揮涕而散所居山中

草如蓬蒿與衆許堅韜異當時人若作康成書帶

引同無避珍王經王字帶下多草字作作為

珍按伏琛以進生徒為黃巾亂不若崔珍傳云繼

乏贊謝為確

三齊畧記不其城東有贊山鄭元刪注詩書棲遲此山上有古井不竭萌生細草如薤葉長尺餘堅韌異

常土人謂之康成書帶

藝苑  
雜錄

齊乘不期山即墨東南四十里又名訓虎山三齊記云鄭元教此山草生如薤長尺餘堅韌異常號康成書帶余按勞山不其皆康成講學之地文墨涵濡草木為之秀異千載之下第茅塞焉深可歎已

又贊山般陽府北十里三齊畧云鄭元刊註詩書棲遲此山上有古井獨生細草葉似薤俗謂鄭公書帶

鄭學錄

卷一

五

即今贊堂嶺與長白山相連元遺山濟南行紀謂因范文正公學舍在焉故謂贊堂蓋未見古圖經耳

珍按王士正長白山錄云長白兩嶂之間曰大谷谷有二十四村土沃而泉甘大谷越嶺而西曰贊山亦名贊堂嶺圖經云康成刊註詩書之所金元好問濟南行記云鄒平縣南有長白山范文正公學舍在焉故又謂之贊堂嶺太平寰宇記云贊山在淄川縣東北十里三齊畧記云鄭康成刪註詩書嘗棲遲於此齊乘嘗辨元記之偽然謂贊山在般陽北十里即贊堂嶺又云上下書堂在贊堂嶺

會仙峯下牽合為一亦非蓋贊山贊堂嶺自是二

山當以贊山屬康成贊堂嶺屬希文為是珍謂高密縣地即今膠州高密縣不其故城在今膠州即墨縣境康成倉皇避難近之不其史有明文長白山在今濟南府淄川長山鄒平界中於漢為齊國地古無康成避難般陽之說據三齊畧云不其城東有贊山則贊山自在不其去今濟南數百里與長白山無涉當緣長白亦名贊山自樂史始以與在即墨者相混而于思容沿之王貽上又分屬之皆失其實矣

鄭學錄

卷一

五

董卓遷都長安公卿舉元為趙相道斷不至

章懷太子注趙王虔之相也

獻帝紀初平元年三月車駕入長安

珍按遷都長安始舉為趙相是康成於前年與荀爽等被徵至是初平元年為公卿表舉也攷趙孝王良傳其嗣王無名虛音惠王乾雖字音相同而立四十八年其薨已在桓帝延熹六年惠王後傳子豫孫攷曾孫珪傳不著立年多少則末由知此時當何王也章懷誤注

張璠漢紀關東義兵起卓會議大發兵秦詭辭而對